

元和郡縣志卷三十九

唐 李 吉 南 撰

隴右道

上案唐貞觀初分州縣為十道隴有列

劔南嶺南之前是志因元和時久陷西蕃故移于後其有開元戶鄉而無元和戶鄉亦非傳寫佚之

州十三

秦州渭州武州蘭州河州鄯州廓州岷州洮州疊州芳州宕州臨州共縣三十州

秦州

天永中府

開元戶二萬五千七 鄉三十九

禹貢雍州之域古西戎地周孝王時其地始為秦邑孝

王使非子主馬于汧渭之間馬大蕃息孝王邑諸秦使

元和郡縣志

卷三十九

一

為附庸今天水隴縣秦亭秦谷是也其後秦仲始大襄

公列為諸侯武公伐邽戎滅而縣之今州理上邽即秦

之舊縣也始皇分天下為三十六郡此為隴西地漢武

帝元鼎三年分隴西置天水郡郡前有湖水冬夏無增

滅取天水名由此湖也王莽末隗囂據其地後漢建武

永平之後改天水曰漢陽郡魏分隴右為秦州因秦邑

以平之後省入雍州晉復改漢陽為天水郡武帝泰始

中又立秦川郡與州同理隋開皇三年罷郡所領縣並

屬州大業三年罷州為天水郡隋末陷于盜賊武德二

年討平薛舉改置秦州仍立總管府天寶元年改爲天水郡乾元元年復爲秦州寶應二年陷于西蕃

州境東西南北四百三十九里

八到東至東都八百六十里

東北至隴州四百六十里

西北至渭州一百八十里

貢賦案唐六典隴右道厥賦布麻秦州貢龍鬚席犛牛尾鵬翎芎窮此竝傳寫缺

管縣五

上邽 伏羌 隴城 清水 成紀

元和郡縣志 卷三十九 二

上邽縣 上郭下

本邽戎地秦伐邽戎而置縣焉漢屬隴西郡晉屬天水郡後魏以避道武帝諱改曰上邽廢縣爲鎮隋大業元年復爲上邽縣屬天水郡武德屬秦州

蟠冢山在縣西南五十八里漾水之所出也東流爲漢水

渭水在縣北十三里西自伏羌縣界流入

段谷水源出縣東南山下蜀將姜維爲鄧艾破于段谷星散流離卽此谷也

司馬宣王壘俗名上募城在縣東二里魏明帝太和五年諸葛亮寇天水詔大將軍拒之此其壘也

諸葛亮壘俗名下募城在縣東二里初亮出議者或欲自芟上邽左右麥以奪賊食帝不從又敕令護麥及宣王與亮相持賴此麥以爲軍糧

姜維壘在縣北八里

漢高祖廟在縣東北五里隗囂自立爲大將軍聘平陵人方望爲軍師勸囂立高祖廟以取信于人

伏羌縣 中東北至州一百二十里

元和郡縣志

卷三十九

三
繆晉校

本冀戎地秦伐冀戎而置縣焉漢冀縣屬天水郡後漢隗囂自稱西伯都于此後魏以冀爲當亭周爲黃瓜隋大業二年改黃瓜爲黃城縣武德三年初立伏州仍置伏羌縣八年罷伏州以縣屬秦州

朱圉山在縣西南六十里上有石鼓不擊而自鳴則有兵起

渭水經縣北去縣一里

縣城本秦冀縣也隗囂稱西伯都此時冀人有謠曰出

冀門望羝羣

案後漢書隗囂傳注引此童謠作出吳門望羝羣謂吳門冀都門名也有緹羣山

有一破人欲上天謂天可上地上安得人囂卒敗

隴城縣

中西南至州一百一十里

本漢略陽道屬天水郡初隗囂之據冀城也來歙從上道襲得略陽城囂乃使王元拒隴坻牛邯軍瓦亭囂自率衆攻略陽道隋開皇三年罷郡河陽縣徙理焉六年改爲隴城縣

大隴山在縣東一百里

略陽川水北去縣三十步

瓦亭山在縣東北二百餘里隗囂使將牛邯守處其山

元和郡縣志

卷三十九

四

繆晉校

亦入原州界又有街泉亭蜀將馬謖爲魏將張郃所敗

清水縣

中下西南至州一百二十五里

本漢舊縣也屬天水郡後魏分略陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙襲得略陽囂使王元拒之隴坂九迴不知高幾里每山東人西役升此瞻望莫不悲思隴山有水東西分流因號驛爲分水驛行人歌曰隴頭流水鳴聲幽咽遙見秦川肝腸斷絕東去大震關五十里上多鸚鵡

成紀縣

中東南至州一百里

本漢舊縣也屬天水伏羲氏母曰華胥履大人跡生伏羲于成紀卽此丘也周成紀縣屬略陽郡隋開皇三年罷郡縣屬秦州皇朝因之

瓦口北水東去縣一十五里

渭州

隴西下

開元戶五千二百三十一 鄉一十四

禹貢雍州之域古西戎地戰國時羌戎雜居其地秦昭王伐得義渠戎始置隴西郡按天水有大坂名曰隴坻

元和郡縣志

卷三十九

五

繆晉校

郡處坻西故曰隴西有鐵官鹽官漢末隗囂竊據建武十年囂降隴右平仍舊爲郡靈帝分南安郡魏于此置鎮守鄧艾曰蜀師來而爲一我分爲四以禦之謂狄道隴西南安岐山四處齊王芳嘉平五年蜀將姜維圍南安襄武皆不克後魏莊帝永安三年于郡置渭州因渭水爲名禹貢道渭自鳥鼠同穴山在州西一百二十九里渭源界隋大業三年罷州復置隴西郡隋亂陷賊武德元年西土底平復置渭州寶應二年陷于西蕃

州境

東西二百八十六里
南北三百八十六里

八到東至東都一千九百六十里

東南至秦州三百五十里

西南至岷州二百九十里

貢賦開元貢秦苻麝香

管縣四

襄武 渭源 隴西 彰

襄武縣上郭下

本漢舊縣也屬隴西郡隋開皇三年罷郡縣屬渭州大業三年復屬隴西郡武德改屬渭州

元和郡縣志 卷三十九 六 繆 晉 校

渭水北自渭源縣界流入

六泉水在縣東北原上泉源有六因以為名

渭源縣上正東微南至州九十里

本漢首陽屬隴西郡西魏文帝分隴西置渭源縣因渭水為名也隋開皇三年罷郡縣屬渭州

鳥鼠山今名青雀山在縣西七十六里渭水所出凡有三源並下其同穴鳥如家雀色小青其鼠如家鼠色小黃近穴溲溺氣甚辛辣使人變逆嘔吐牛馬得此氣多

疲臥不起而大汗

隴西縣 上西至州五十里

本漢獮道縣也屬天水郡後漢末于此置南安郡隋開皇元年廢郡移武陽縣名于郡理屬渭州八年改武陽縣為隴西

安都山在縣西四十九里

洛門水出縣東南洛門谷後漢建武十年來歙大破隗囂于洛門即此地也

渭水經縣南

彰縣 上東北至州六十里

元和郡縣志 卷三十九 七

本漢鄠縣也屬隴西郡永元元年封耿秉為鄠侯是也

案後漢書耿秉傳封美陽侯此云鄠侯未詳所據 永嘉南渡縣遂廢焉後魏宣

武帝復置屬略陽隋開皇三年罷郡縣屬渭州

龍馬山在縣西四十里

鄠水南去縣一里

鹽井在縣南二里遠近百姓仰給焉

武州 武都下 案唐書地理志祿山之亂武都郡沒吐蕃大歷二年復置為行州是志所敘未全

開元戶三千四百五十三 鄉一十二

禹貢梁州之域古西戎地也戰國時白馬氏居焉氏即

西戎之別種也元鼎六年開白馬氏以其地爲武都郡
魏太祖以楊阜爲武都太守及劉備取漢中魏文帝徙
武都于美陽卽今好時縣界也後諸葛亮使將攻武都
陰平遂克定二郡其地始入于蜀蜀平後晉復以爲郡
及永嘉南遷中原背叛武都又爲氐楊茂搜所據羣氐
推以爲王其後楊難當爲宋所破其苗裔復擁衆據武
都之仇池山在今成州界後魏平仇池于仙陵山東置
武都鎮宣武帝于鎮城復置武都郡廢帝改置武州隋
大業三年又改爲武都郡武德元年復爲武州

元和郡縣志

卷三十九

八

州境

東二百九十里
西二百九十里
南二百九十里
北二百九十里

八到

東北至東都一千三百里
東至東都一千三百里
南至東都一千三百里
西至東都一千三百里

東至興州三百五十里
南至文州三百五十里
西至成州三百五十里
北至成州三百五十里

西至成州三百五十里
北至成州三百五十里

貢賦

開元貢蠟燭麻椒
賦布

管縣三

將利 福津 盤隄

將利縣

中下郭下

本漢羌道縣地後魏于此置石門縣周閔帝改爲將利

縣屬武都郡隋開皇三年罷郡縣屬武州皇朝因之
仙陵山在縣西六里

武都有紫水泥亦紫漢朝封璽書用紫泥卽此水之泥
也又出上品雄黃色如雞冠

羌水一名陵水經州城南二里

福津縣 中下西北至州六十六里

本後魏之武階郡也屬南秦州文帝又置福津縣屬武
階郡隋開皇三年罷郡移福津縣于郡置焉屬武州皇
朝因之

元和郡縣志

卷三十九

九

隴東山在縣北四十五里

盤隄縣 中下西北至州一百五十里

本漢河池縣地也後魏廢帝于此置武陽郡領盤隄縣
隋開皇三年罷郡縣屬武州皇朝因之

盤隄山在縣東南七十三里

縣城魏鄧艾與蜀將姜維相持于此築城置茄蘆戍後
于此置縣

蘭州 金城下

禹貢雍州之域古西戎地也秦并天下是爲隴西郡漢武帝降匈奴以其地置武威酒泉張掖敦煌四郡又分隴西置天水郡昭帝六年分隴西張掖以爲金城郡今州卽金城郡之舊地也初築時得金故曰金城又言金取其堅固領縣十三宣帝又置金城屬國以處降羌平帝元始四年金城塞外羌獻魚鹽之地內屬漢遂得西王母石室以爲西海郡理龍夷城卽今河源軍西一百八十里威戎城是也後漢建武十三年省金城入隴西郡明帝永平元年復立永熹末前涼張軌分立興晉郡元和郡縣志

卷三十九

十

案晉書張重華傳魏書張駿傳竝有晉興郡與此興晉異未詳孰是張寔徙金城縣卽今

州理是也西秦乞伏乾歸都苑川南涼秃髮烏孤都廣

武皆此地也苑川至乞伏慕末爲赫連定所滅廣武至秃髮儻爲乞伏熾盤所滅隋開

皇元年立爲蘭州置總管府取皋蘭山爲名也大業三年罷州爲金城郡武德二年討平薛舉復置蘭州八年置都督府顯慶元年罷復爲州寶應元年沒于西蕃

州境東西南北二百一十七里

八到東南至上都一千四百六十里
東南至東都二千三百二十里

東至臨州一百九十里
東北至會州三百八十里

西南至河州三百里
西北至鄯州四百里

貢賦

開元貢賦

布褐

野馬皮麻

管縣二

五泉

廣武

五泉縣

中下郭下

本漢金城縣也屬金城郡前涼張寔徙金城郡理焉隋

開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏

乾歸太子熾盤招結諸部二萬七千築城于康狼山以

元和郡縣志

卷三十九

十一

據之即此山也

黃河流經縣北去縣二十里

金城關在州城西周武帝置金城津隋開皇十八年改

津為關

廣武縣

中下南至州二百二十五里

本漢枝陽縣也前涼張駿三年分興晉置廣武郡隋開

皇三年罷郡置廣武縣屬蘭州大業二年改為允吾

鉛音

牙

縣取漢舊名也六年改為會寧縣武德三年重置廣

武縣

琵琶山在縣西北一百五十里北涼沮渠蒙遜恃其疆陰謀圖周周乃擁衆南保琵琶山卽此也

烏逆水在縣西南二十許里水西有馬蹄谷漢武帝使李廣利伐大宛得天馬胡馬感北風之思遂頓絕羈絆而馳晨發京城食時至燉煌塞下今谷中石上猶存蹄跡

允吾故城在縣西南一百六十里本漢縣屬金城郡浩亶故城在縣西南一百三十里漢縣也屬金城郡亶者水流峽岸深若門也

元和郡縣志

卷三十九

十二

河州

安樂上新唐書杜佑通典河州爲安樂互異

開元戶五千二百八十九 鄉一十四

禹貢雍州之域古西羌地也漢昭帝分隴西天水張掖三郡立金城郡今州卽金城郡之枹罕縣也靈帝時隴西宋建自稱河平王聚衆枹罕改元置百官獻帝建安末夏侯妙才討平之晉惠帝立枹罕護軍前涼張軌保據涼州立爲興晉郡張駿二十一年以州界遼遠分置河州以禹貢導河積石至于龍門積石州界故曰河州後乞伏熾盤又自金城都于此後魏平定秦隴西改置

枹罕鎮孝文帝太和十六年改鎮復爲河州隋大業三年罷州改爲枹罕郡武德二年討平李軌改置河州寶應元年陷于西蕃

州境東西南北二百八十八里

八到東至東至東至東至都二千四百二十里

東至北至南至洮州三百里

西北至西至鄯州三百九十里

貢賦開元賦麝香 麩金 布 麻

管縣三

元和郡縣志

卷三十九

枹罕 鳳林 大夏

枹罕縣 中下郭下

本漢舊縣屬金城郡故罕羌侯邑秦滅爲縣後遂因之

積石山一名唐述山今名小積石山在縣西北七十里

按河出積石山在西南羌中注于蒲昌海潛行地下出

于積石爲中國河故今人目彼山爲大積石此山爲小

積石

鳳林山在縣北三十五里

河水在縣北五十里河下也按四瀆之中河源最高從

高注下故其流峻急禹貢導河積石至于龍門又曰導洛自熊耳按洛水出上洛西山經熊耳之北所言導者皆謂紀所施功不必自其源也

鳳林縣

中下東南至州八十里

本漢白石縣地後魏大統十二年刺史楊寬于河南鳳林川置鳳林縣因以爲名儀鳳元年于河州西移安鄉縣理此又名安鄉天寶元年改名鳳林

石門山在縣東北二十八里山高險絕封岸若門卽皋蘭山門也漢武帝元符三年霍去病出隴西至皋蘭卽元和郡縣志

卷三十九

十四

此也

離水西去縣二百步

大夏縣

中下西北至州七十里

本漢舊縣屬隴西郡前涼張駿置大夏郡縣屬焉周改屬枹罕郡隋開皇三年罷郡縣屬河州

金劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰于素恭川置

置管兵 威戎軍 州西北三百五十里開元二十六年綏和

守捉 州西南二百五十里開元合川郡守捉 州南百八

中侯君集置管兵千 莫門軍 洮州城內儀鳳二年置管

寧塞軍 廓州城內管兵積石軍 廓州西一百八十七里儀

馬一鎮西軍 河州城內開元二十六年杜希望 平夷守

捉 河州城西南四管兵餘三千里開元寶應元年沒于西蕃

州境 東北二百一十五里

八到 東南至上都二千七百里

東南至涼州五百里

元和郡縣志 卷三十九 十六

西南至西廓州一百七十里

貢賦 開元賦 布 褐 十疋 麻 羚羊角兩隻

管縣三

湟水 鄯城 龍支

湟水縣 中郭下

本漢破羌縣地屬金城郡魏分置西都縣屬西平郡隋開皇三年罷郡縣屬鄯州十八年改爲湟水縣皇朝因之

土樓山在縣西百三十里下有土樓神祠

湟水名湟河亦謂之樂都水出青海東北亂山中東南流至蘭州西南入黃河

浩亶水今謂之閤門水經縣東去縣五十五里漢宣帝神爵元年遣後將軍趙充國擊先零羌充國欲罷騎兵屯田以待其弊計度臨羌東至浩亶羌虜故田人所未墾可二千頃以上又理湟陜以西道橋七十所令可至鮮水左右留步士萬人屯田爲必禽之具詔從之充國竟以屯田之利支解先零

鄯城縣

中東至州一百二十里

元和郡縣志

卷三十九

十七

儀鳳二年分湟水縣置北枕湟水西卽土樓山

龍支縣

中北至州一百三十五里

本漢允吾縣也屬金城郡後魏初于此置金城縣廢帝二年改名龍支縣西南有龍支谷因取爲名

積石山在縣西九十八里南與河州枹罕縣分界

黃河在縣西南六十里

廓州

寧塞下

開元戶三千九百六十四

案鄉數傳寫缺

禹貢雍州之域古西羌地漢宣帝時西羌數背叛後將

軍趙充國屯隴西諸羌不敢動後漢燒當等八種羌爲寇段熲擊破之諸羌弭定獻帝建安中分金城置西平郡南涼禿髮烏孤又以河南地爲澆河郡周建德五年于今州理西南達化縣界澆河故城置廓州蓋以開廓邊境爲義隋大業三年罷州復爲澆河郡隋亂陷于寇賊武德二年西土平定改置廓州乾元元年陷于西蕃州境東三百九十四里
西四百九十里
南四百九十里
北四百九十里

八到東至上都二千里
東至東都二千八百六十里
南至新置耀武軍二百里

元和郡縣志

卷三十九

十八

西至蕃界樹郭城三百二十里
北至新安夷騎八十里

貢賦開元貢賦
布 麩 金 麻 大黃 戎鹽 麝香

管縣三

化城 達化 米川

化城縣下郭下

本後魏石城縣地廢帝二年因境內有化隆谷改爲化隆縣皇朝因之先天元年改爲化城縣

黃河在縣南八十步

扶延山在縣東北七十里多麋鹿

達化縣

下東至州三十里

本後周置達化郡并達化縣隋開皇三年罷郡移縣入郡廢卽今縣是也皇朝因之

黃沙戍在縣東六十里

米川縣

下西至州一百里

本前涼張天錫于此置邯川戍後魏孝昌二年于戍城置廣威縣貞觀十年于本縣東一百二十里黃河南岸置米川縣屬河州永徽六年移于河北屬廓州

積石軍在州西南一百五十里儀鳳二年置西臨大澗

元和都縣志

卷三十九

十九

北枕黃河卽隋澆河郡所理

寧邊軍在積石軍西黃河北

威勝軍在積石軍西八十里宛肅城

金天軍在積石軍西南一百四十里洪濟橋

武寧軍在洪濟橋東南八十里百谷城

曜武軍在州南二百里黑碛川

右寧邊等五軍並天寶十三年哥舒翰奏置

岷州

和政下

開元戶三千九百五十

鄉一十四

禹貢雍州之域古西羌地也禹貢西傾朱圉鳥鼠按西
傾山在洮州之西今州處其東北此則雍州之域明矣
在秦爲隴西郡洮縣地自秦至晉不改後魏文帝始于
此置岷州南有岷山因以爲稱仍領同和郡又改爲臨
洮郡隋開皇三年罷郡屬岷州大業三年復爲臨洮郡
隋末淪陷寇賊義寧二年改置岷州天寶元年改爲和
政郡乾元元年復爲岷州上元二年因羌叛陷于西蕃
州境東一百六十三里
南一百六十七里
西一百六十七里
北一百六十七里
八到東北至上都一千三百三十六里
東北至東都二千二百八十六里

元和郡縣志

卷三十九

二十

東北至渭州二百二十六里
南至宕州三百八十里

西南至洮州一百八十里
北至臨州三百四十里

貢賦 開元貢 龍鬚席 鸚鵡鳥 犛牛酥 鷓翎
賦 布 麻

管縣三

溢樂 祐川 和政

溢樂縣 中下郭下

本秦漢之臨洮縣也屬隴西郡後魏置同和郡縣屬焉
隋開皇三年罷郡縣屬岷州義寧二年改置溢樂縣

岷山在縣南一里

崆峒山在縣西二十里

州城本秦臨洮城也後漢建初二年金城隴西保塞羌皆反車騎將軍馬防長水校尉耿恭擊平之卽此地也董卓臺在縣北十五步

秦長城首起縣西二十里始皇三十四年并天下使蒙恬將三十萬衆北逐戎狄築長城起臨洮至遼東延袤萬餘里

祐川縣 中下西北至州七十里

周明帝武成元年置基成縣隋開皇九年省義寧二年

元和郡縣志 卷三十九 二十一

重置先天元年改爲祐川縣取縣西祐川爲名也

和政縣 中下南至州三十二里

本後周洮城郡也武帝保定元年郡省置同和縣屬同和郡宣政元年改爲和政縣隋開皇三年罷郡縣屬岷州皇朝因之

洮水西南自溢樂縣界流人

和政府在縣西北七里

洮州 臨洮下

禹貢雍州之域古西戎地也自秦漢至于魏晉皆諸羌所居至後魏吐谷渾又侵據其地後周明帝武成中西逐諸戎其地內屬置洮陽防武帝保定元年立洮州隋大業三年罷州改爲臨洮郡隋季亂離所在陷沒郡守孫長詢率所部百姓嬰城固守以義寧元寧舉城歸國武德二年復于此置洮州貞觀四年州移理故洪和城于此置臨洮鎮五年廢鎮置淳州案原本避唐憲宗諱缺淳字今校補八年廢州復移洮州理此永徽元年置都督府開元十七年廢入岷州二十年于臨潭又置臨州二十七年又改

元和郡縣志

卷三十九

爲洮州廣德元年陷于西蕃

州境東西南北二百五十里

八到東北東至上都二千三百六十里

東北至岷州一百八十里

西南至疊州一百八十里

貢賦開元賦布麻酥

管縣二

臨潭 美相

臨潭縣中郭下

本隋美相縣周保定元年置貞觀四年移美相縣于東北洪和城內五年于州理改置臨潭縣其城東西北三面並枕洮水

洮水出縣西南三百里嶂臺山卽禹貢西傾山也

抃傍山在縣東南十一里抃傍羌語也羌語呼石爲抃呼高爲傍因以爲名

安西府在縣東四十里周明帝武成元年行軍總管博陵公賀蘭祥討吐谷渾作此城以保據西土後因置博陵郡隋又爲縣屬洮州貞觀十二年省縣入臨潭十三

元和郡縣志

卷三十九

二十三

年于此置安西府

廣思鎮在縣西一百八十里

莫門軍儀鳳二年置在州城內

神策軍在州西八十里天寶十三年哥舒翰置在洮河南岸

美相縣

中西至州七十五里

本漢隋舊縣理在州城貞觀四年移洮州在此縣亦隨徙焉

霧露山在縣北一十里

疊州 合川下

開元戶一千二百七十七 鄉一十一

禹貢梁州之域歷秦漢魏晉諸羌常保據焉至後魏其地入吐谷渾周武帝建德六年西逐諸戎始統有其地乃置疊州蓋取山川重疊為義隋大業元年廢疊州以縣屬洮州武德二年西土內附于今州西二十九里合川故城置疊州五年陷吐谷渾七年討平之復置疊州今州城在獨山上西臨絕澗南枕羌水十三年置都護府永徽元年罷天寶元年改為合川郡乾元元年復為

元和郡縣志

卷三十九

二十四

疊州

案唐書地理志云祿山之亂合川懷道等郡沒于吐蕃此所敘未全

州境

東西南北一百二十九里

八到

東北至上都二千五百六十里 東北至東都二千五百六十里 東南至沿流至宕州二百五十里 東南至故芳州一百四十里 東北至黃河上党項岸八十里

貢賦開元

貢賦 甘松香 麝香 酥 布 麻

管縣二

合川 常芳

合川縣

下郭下

本周武成二年置有三谷水至縣東合流因以爲名屬西疆郡隋開皇三年罷郡縣屬疊州皇朝因之

石鏡山在縣西北四十五里其山石皎徹臨照莫不見其形體故以爲名山有銅窟隋代採鑄今亦填塞

白水一名墊江水在州西六十里

藥水出縣東平地人有患冷者煎水服之多愈

常芳縣 中西北至州一百二十里

本周武成中所置恒香縣屬芳州郭下前上元中芳州沒蕃神龍元年移縣名于天法山東蘇董谷西卽合川

元和郡縣志 卷三十九 二十五

縣理是也

芳州 貞觀戶八百六十二 **案** 是州陷西蕃在高宗時其天寶郡名開元戶鄉皆未有故止載貞觀戶

禹貢梁州之域秦漢及魏晉皆諸羌所居至後魏吐谷

渾人侵據焉周明帝武成中西逐諸戎始有其地乃于

三交口築城置甘松防武帝建德中改爲芳州領恒香

深泉二郡隋大業二年郡州廢以縣屬扶州隋氏喪亂

陷于寇賊武德元年西邊平定復于常芳縣置芳州 **案** 隋

書地理志云後魏立芳州有深泉郡後周置常芳縣立恒香郡此謂周武帝建德中改甘松防爲芳州與隋志

異又唐書地理志云武德元年以常芬縣置芳州此謂置于常芳縣蓋芬之誤 高宗上元二

年陷于西蕃

州境

案州境里數傳寫缺

八到

東北至上都一千八百四十里
東北至東都一千七百里

東南至扶州三百三十里
東南至羌州三百三十里

西南至羌州一百六十里
西南至疊州一百四十里

貢賦

貞觀貢犛牛酥
賦貢布

管縣三

常芬 恒香 丹嶺

常芬縣

下郭下

元和郡縣志

卷三十九

二十六

本周置屬恒香郡隋開皇三年罷郡縣屬芳州前上元二年陷于西蕃神龍元年移縣名屬疊州

素嶺山在縣東七十里春夏常多積雪因名之

甘松府在城內

恒香縣

下東北至州二十五里

貞觀二年置寄理恒香戍

帝候山在縣南三里

丹嶺縣

下東南至州二十里

本隋舊縣開皇十九年置屬芳州義寧三年屬甘松郡

武德元年罷郡縣屬芳州所管百姓皆是党項諸羌界內雖立縣名無城郭居處

湫池在縣西八十里通彌山中周迴百餘里蓋古之天池大澤白水之源蓋出此也

宕州 懷道下

開元戶一千六百五十九 鄉六

禹貢梁州之域古西羌地也自秦漢至魏晉皆諸羌據焉後魏招撫西戎始有其地有梁彌忿者宕昌羌也其先羌豪祖勤自稱宕昌王彌忿于太武初表求內附太

元和郡縣志

卷三十九

二十七

武嘉之拜彌忿為宕昌王其後遞相傳襲稱藩于魏謂其地為宕昌藩周天和元年改藩置宕州隋大業三年罷州置宕昌郡武德元年復宕州天寶元年改為懷道郡乾元元年復為宕州因宕昌山為名也

案陷蕃事缺敘

州境 東西南北三百六十五里

八到 東北至上都一千四百七十里 東至東都二千三百三十里

東南至武州二百五十里 西南至扶州四百里

西北至疊州二百五十里 北至岷州三百八十里

貢賦 開元貢賦 布 麩 金 麻 麝 香

管縣二

懷道 良恭

懷道縣 中下郭下

本周武帝天和元年置屬甘松郡隋開皇三年罷郡屬宕州皇朝因之

蘇董戍在縣西一百八十三里

良恭山在縣北四十里出雌黃

斫花山在縣東北八十里出朱砂雌黃人常採取之

宕昌故城今為交和戍在縣東五十二里

元和郡縣志 **卷三十九** 二十八

良恭縣 下西南至州二百一十里

本周之陽谷縣也武帝天和五年置宕昌郡隋開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州 狄道下府 **案** 是州置自天寶三年故不載開元戶鄉

天寶初割蘭州狄道縣又別置安樂縣置臨州州郭舊有臨洮軍久視元年置至寶應元年陷于西蕃

州境 **案** 州境里數傳寫缺

八到 東南南至東都一千四百八十里

西南至岷州三百九十里
西至蘭州一百九十里

貢賦

天案

此臨州由蘭州析置其貢賦在
寶初當與蘭州同而傳寫遺缺

管縣二

狄道 長樂

狄道縣

下

本漢縣屬隴西郡晉改爲武鞬縣隋復爲狄道屬蘭州

天寶初改屬臨州

長樂縣

下

天寶初置安樂縣乾元後改爲長樂

元和郡縣志

卷三十九

二十九

元和郡縣志卷三十九